



Bájkkeavijssa NuorttaSállto

Tjierggisvuohta váren

Henrik (Hæjkka)
Johansen Láppán ja
suv familljan lidjin
moadda
jáhpærromsaje gá
Hábmerin bohttsuj
barggin. Tjavtjajt ja
gidájt árrun
Unnajávrátjin
Strávnjunje lahkusin,
gidájt jáhtin sadjáj
majt gáhttju
Ronesborgan
Lagmannsvikvákken
ja giesijt
Goajvojávren árrun.



Tæksta: Børge Strandskog
Járggálibme: Divte Media AS

Tjaktjadálven akti lij Hæjkka Stuolo guovlojn bohttsujt gehtjadime. Sujna lij bena mañen. Madi danna lij, de guoldujn bádi. Hæjkka vuostatjin ájadaláj sijddaj dalága máhttsat, valla ittij dan nievres dálke diehti. Ájgoj farra vuorddet mañep bæjvváj ihkap sjierristij. Iján ájn væráp sjattaj – muohtij ja muohtij. Valla mañep bieje vierttij vádtsát. Biebmo vádnunin, ja famillja gudi Unnajávrátjin lidjin, jáhkkin sán lij Oarjjevuodnaj vádtsám ja lij jasska.

Heika Johansen Labba ja famillja Unnajávrregátten. Gávvá 1920-jagijis. Heika Johansen Labba og familien ved Litjvatnet. Foto fra 1920-årene.

Valla lij nav álov muohtám ittij vádtsat dáhkki. Heikan galla lidjin ráde. Gávnaj hiebalgis skáhpemuorav, ja nijbijn dassta álkkes sabegijt vuolaj. Nijbijn aj rájgijt dagáj masi svihtjajuvsaht dæhpodij. Dáj rustigij Heika tjuojggagádi aktan bednagijn. Dálkke lij vilá nievre ja fierdda riek lássát, valla nagáj Strindaváre badjel bohtet ja

vuolus Tommernesá vuosstij. Tommernesváren nav binná muohta sjattaj ja fierdda nav buorre vaj máhtij sabegijt guodet ja váttse joarkket. Mij ij lim sæmme hávsske lij vájku iesj lij oaggán bierggim, de lij bohttsubena dálkkáj soakkoj dan lássá váttseidijn váre badjel. Heika sabega moadda jage muora vuossti tjuodtjun Tommernesváren, ja moaddása bájke ulmutijis mujtti

dajt. Valla akta lullerijkak sabegijt váldij nágin jage mañela. Ihkap vilá Lullerijkkan gávnnuji mujtton dat báles gá Heika dálvváj bohttut Hábmervárijn?

Sáme viesso Oslon 5 jage dævddá

Javllamánon bierjedagá 4. ja lávvodagá 5. Oslon dáhpáduvvá! De la vihta jage dat rájes gá sáme-fulke tjáhkanimsadje oajvvestádan uvsajt rabáj.

Sáme viesso Oslon ávvut de vuostasj járbbá jagev, vihta jage festaj, filmmaiehkedij, konsertaj ja kursaj – duola dagu juojkan, duojen ja gielan. Ávvudaláduvvá guokta bieje miehtáj. Viesso, mij le guovdátjin Akersgata 34, ájgenis ásaduváj moadda sámeorganisašs sadjen gánná sáme Oslon máhtti

æjvvalit ja aktisattjat barggat. Dan diehti le luondulasj tjáhkanimsadje gá duola dagu sáme álmukbiejvve ávvudaláduvvá oajvvestádan. Duodden moadda sáme organisašjavná dáanna sajev adni.

17. mai-feiring Oslo 2007
Fra hjemmeside Samisk hus

